

Meje Po Carte Copiya Pablo Tatina, Timoteo Tatinatsi

Meje yabara poxonae Pablo tamropata pitaba xua tatina, Timoteo tatinatsi

¹ Jaco Timoteo. Xan, Pablon, Jesucristo pia peitorobi jiwu jiwana tatsin. Nacom pon Wanacapanenebiyaein neitoroba. Matautano Jesucristo, pon Pecanamataxeinaein jiwu, pon wanae ewatatsi iruru neitoroba.

² Timoteo, xam cata tinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua juntea popona jinya necaexanaenexabe.

Meje yabara xua Pablo yabara muxuweta pomonae abeya pecuidubiwi pia pecuidubi coyenewa tatsi pecuiyainwa

³ Poxonae matha cain muxu taponae Macedonia nacua beya, bapoxonae jume daunweya cajeichi, janje: “Ecare Efeso tomaratha jinya necui itorobinexa tsane pomonae abeya pecuidubiwi pia pecuidubi coyenewatha. Barapomonae seicaiya cuiduba ichi be jopa paxan ichiyo

pomonaē Jesucristo pia peitorobi jiwi tatsi panxaein. Itorobare xua barapomonaē jopa cuidubi tsane ichamonaetha barapo coyene po coyene xua jopa xainyeyo.

⁴ Matautano barapomonaē jopa bewa juntu coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamonaē wajume cowantsixae Nacom.

⁵ Xua tapaebixae xua barapo peitorobi coyenewatha paeba apara xua daxita jiwi nantiya caemonaē penaantobenexa tsane. Barapo peantobe coyenewa jiwi pia juntu coyene wetsina pona poxonaē pia juntu coyenein xanepana xua jopa xeinaeyo peabe coyenewa yawa poxonaē barapo jiwi pia coutha najuntu coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia juntu coyene wetsina pona poxonaē barapo jiwi xaniwaicha jume cowanta Nacomtha.

⁶ Ichamonaē jopa xeinaeyo barapo peantobe coyenewa poxoru jume itaweta, matautano poxoru najuntu coyene eena exana penajume matsontsonobi diwesin.

⁷ Barapomonaē ichichipa becuidubina Nacom pia peitorobi diwesi jume. Bequein barapomonaē baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomonaē jopa yabara

yaputaeyo po coyeneya xua atsaquiya yabara cuiduba ichamonae Moisés pia peitorobi diwesi jume.

⁸ Bara yaputainchi xua Moisés pia peitorobi diwesi w_hnae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa.

⁹⁻¹⁰ Waxainchi matautano yaputainchi xua Nacom pia peitorobi diwesi jume jopa barapomonaе nexiyo pomonaе bayatha peju_{ntu} coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomonaе nexa pomonaе meje: pomonaе jopa exanaeyo pocotsiwa Nacom pia peitorobi diwesi jumetha itoroba; pomonaе jopa jume cow_hntsiyo Nacom; pomonaе jopa ichipaeyo Nacom; pomonaе abe peexanaewi; pomonaе jopa ju_{ntu} coyene xanepanaeyo Nacomtha; pomonaе aichaxaibi Nacom pia peitorobi diwesi jume; pomonaе pia paxeiwi pebewi; pomonaе pia pena jiwi pebewi; pomonaе jiwi pejutebiwi; pomonaе penata siwa xeinaewi yab_xxitha xua jopa piseuri jiwi; pomonaе cae pebiwi penaisamaichi jiwi xua be yab_xxi penatsicotae jiwi; pomonaе paratixi xeineiba xua ichamonae pejiwana noteibixaetsi poxonae equeicha caewa pejiwana canawibeibixaetsi; pomonaе jiwi pemuxuitorobiwi; pomonaе naerabiya jume daunweya paeba xua ichamonae naerabiya peyabara paebiwatsi. Barapo peitorobi jume ir_u barapomonaе nexa daxita pomonaе seicayiya yabara jume toxechiya exana po coyene xua Jesucristo pia pexeinya

pecuidubi coyenewa.

¹¹ Barapo pexeinya pecuidubi coyenewa, bara najume j̄apabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xvano bichocono pej̄nt̄u coyene weiweinaein. Barapo diwesibe Nacom itoroba xua tacueicueijej̄iwa tsane.

Meje yabara poxonae Pablo j̄nt̄u coyene weiweina Jesucristo

¹² “J̄nt̄u coyene weiweinan tanecatsixaemxae peant̄uyapus̄wa”, jan Jesucristo, pon Wanacanamataxeinaein. Bapon necata peant̄uyapus̄wa tacueicueijej̄iwa tsane j̄iwitha Nacom pia Pexeinya jume diwesi tatsi. Bapon neyabara nanta xeina xua bara beta jume cow̄nt̄an, daxota necana exana xua xan pia petanacuichin tatsin.

¹³ Bapon baxua inta exana bequein bara bayatha bapon abeya yabara paeban. Matautano bapon piamonaetha tatsi abeya tacana exanan. Matautano abeya tayabara paeban barapo pjiimonaetha tatsitha pomonaetha pomonaetha pia pejume cow̄nt̄si j̄iwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonaetha j̄opa jume cow̄nt̄sinyo Jesucristo poxonaetha abe exanan. Matautano j̄opa yaputaeyinyo pocotsiwa xua bayatha exanan.

¹⁴ Daxota Nacom pon Wanacanamataxeinaein bichocono amanaya neyawena taneantobexae. Nacom nej̄nt̄u coyene ȳca exana po pejume cow̄nt̄siwa xvano xua po peantobewa tsita xeinatsi Cristo Jesús.

¹⁵ Cristo Jesús patopeica po cae pin nacuathe tsi que pecapanenebiyaenexa tsainchi pomonae abe peexanae jiwi, xua capanenebiyatsi abe pia peexanae cuiru coyenein weya. Pomonae abe peexanae jiwi barapomonae jiwanan xua bichocono abe taexanaein beyacaincha barapomonae poxonae abe exana. Baxuan apara xainyei pocotsiwa xua yabara paeban. Jiwi bewa jume cowantsina baxuan.

¹⁶ Bequein bichocono abe taexanaein, daichitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristo xua poxonae jopa aitaconaeyo. Daxota ichamonae poxonae netaena Nacom exanaena xua barapomonae Jesucristo pejume cowantsiwa tsainchi, pexeinaenexa peantuyarusawa po peantuyarusawa xua ataya tsiteca.

¹⁷ Nacom, wnae paca jaintatsi: “¡Xam Nacom pon ataya jiwi itorobiya pepa Neewatsin! ¡Xam Nacom pon bapana jopa tupaem tsane! ¡Xam pon xua jiwi jopa itacupaetsi xua necataewa! ¡Xam yatsicaewa compam pepa Nacom! ¡Ataya paca tsita baru cui itura jinatsi! ¡Barabu ataya jiwi wnae cajainchina! Je bara ichi tsane”, paca jeichi Nacom.

¹⁸⁻¹⁹ Xam, Timoteom, bara xaniwaicha be taxantom canatsicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwanae muxu duta xua bexa cuidubiname jiwitha Nacom pia pexeinya jume diwesi.

Xan caitorobatsi icha be pocotsi coyeneya bayatha barapomonaē caitoroba. Cajeichi: Jume daunweya antayapusaβya beta exande Nacom pia petanacuichiwa tatsi. Poxonaē baxua exaname, beta jume cowantsiya exande, yawa pexeinya juntu coyene xeinare po juntu coyene xua xainyeya natsipaebame, xua jopa abe exanaem Nacomtha, cajeichi. Ichamonae bequein beta natsipaeba pijuntu coyeneintha, ichitha barapomonaē najuntu coyene barapenta po coyene Jesucristo pejume cowantsiwatsi tsipei jopa jume cowantsiyo pocotsiwa pia juntu coyene tsipaebatsi.

²⁰ Barapocotsi coyene Himeneo exana iruru Alejandro exanaru. Baponbe caenaetanbe pon caurimonaē pia pentacaponaeintha tatsi pon Satanás beya poxonaē baraponbe nacuidubinabe xua jopa bewa abe yabara paebi tsanebe Nacomtha.

2

Meje yabara xua Pablo yabara cuiduba po coyene xua Nacomtha petsipaebiwa

¹ Copiya caitorobatsi baxuanje xua exanaename: Nacomtha tsipaebare daxita jiwi nexa; Nacomtha wucare xua Nacom peyawenaenexa daxita jiwi; yawa jande Nacomtha: “Nacom, maisa juntu coyene weiweinan xua daxita xanepanaya jinya netaexanaewam jiwi”, jande.

² Bewa Nacomtha tawucaename daxita nacua peewatsiwimonaē. Matautano bewa Nacomtha tawucaename daxita pentacaponawimonaē.

Baxua bewa exanaename xua juntema beta wajume cowanta dubenanaebiyaenexa Nacomtha, yawa juntema wajinompaenexa jiwi peitatha. Barapo juntema wajinompaewa bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha.

³ Barapo coyenein jame Nacom tsita wanaetsi pon Wanacacapanenebiyaein.

⁴ Nacom bichocono ichipa xua daxita jiwi pecapanenebiwa tsainchi abe pia peexanae cuiru coyenein weya. Matautano Nacom ichichipa xua jiwi yaputaena pocotsiwa xua pexainyei coyenewa.

⁵ Meisa compa Nacom pon pepa Nacom, bapon meisa popona. Barichi saya meisa caein pon itacypatsi xua jiwi yabara jume yawenatsi Nacomtha, apara barapon Jesucristo.

⁶ Jesucristo copata xua bara naetotha tsitapa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonae Jesús tupa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi.

⁷ Daxota Nacom newan duta, jeye: “Bapon apara pon tajume diwesi pecaponaein yawa bapon taitorobi jiwi jiwana pin”, jei Nacom. Bara xaniyeya paeban, jopa naerabinyo. Daxota Nacom neitoroba tacuidubinexa pomonaetha pomonae jopa judiomonae naexanaeyo xua

Nacomtha pejume cowantsiwa yabara yawano xua Nacom pia pexainyeiwa yabarano tatsi.

⁸ Daxota ichichipan xua daxita nacuanpiwi Nacom pewucaewa tsainchi. Poxonae wucaena Nacomtha bewa namaxu yoichaena xua yatsicaewa pexeinaexae tsane pejuntu coyene xanepanaewa. Matautano jopa bewa yajuntu coyeneya paebi tsane xua peita aenae-aeneiwa ichantha. Matautano jopa bewa yajuntu coyeneya paebi tsane xua penajume matsontsonobi coyenewa.

⁹ Ichichipan xua yabuxi nama xatabina pocotsi paparuwa be conotha wuna. Saya uuranaya jinompaena xua bichocono jopa atsaqui tsane xua pebaru yuyjeiwa pebiwitha. Jopa bichocono wunaeya nantana fabi tsane. Jopa bichocono nantana pepena exanae tsane pocotsiwatha xua bichocono ainya matoman, pocotsiwa pewan oro, matautano pocotsiwa pewan perlan. Matautano jopa namaxatabi tsane pocotsi paparuwa bichocono ainya matoma.

¹⁰ Jame yabuxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono wuna xua yabuxi exana, po yabuxi xaniwaicha jume cowantsiya jinompa xua Nacom pejume cowantsiwatsi.

¹¹ Yabuxi bewa saya moya jume naitaewatsiya jume taena pocotsiwa xua nacuiduba. Saya bewa moya jume jejei tsane.

¹² Tsipei yabuxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabuxi penta-

caponaewi penaexanaewa tsane pebiwi nexa. Jame bewa yabuxi saya moya enaena poxonae pejume cowantsiwi nacaetuta xua Nacom wanae pejainchinexatsi.

¹³ Tsipei Nacom copiya exana pebin pon pewan Adán, baroxonae yabuyo exainchi powa pewan Eva.

¹⁴ Caena bayatha Adán jopa muxujainyabichi pon caurimonaе pia pentacaponaein tatsi xua abe peexanaewa tsane. Apra jame bapowa Eva muxujainyabatsi, daxota bapowa abe exana.

¹⁵ Bequein yabuyo atene poxonae tanaexanatsi pexuyo, ichitha Nacom capanepaena bapowa icha bapowa jume cowantsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

3

Meje yabara xua bewa exanaena pomonae pecanamataxeinaewi pejume cowantsiwi

¹ Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume cowantsiwichi pecanamataxeinaewatsi, bara baxua bara xanepana.

² Daxota pon pomonae Nacom pejume cowantsiwi canamataxeinatsi, bapon bewa xanepanaya beta poponaena xua bapon jopa abe peyabara paebinexa tsainchi ichamonae. Bapon bewa saya cae piseuri baru jijinaena. Matautano bapon jopa bewa bichocono apae

tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonae ichamonae bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha.

³ Bapon jopa bewa nacupa exanae tsane peat-saxae mera. Yawano jopa bewa bapon naba exanae tsane, saya jame bewa jantema poponaena. Bapon jopa bewa najume matsontsonoba exanae tsane. Yawano bapon jopa bewa pitaparatixichi xua paratixi peasiwiwa.

⁴ Bapon bewa beta itorobiya canamataxeinaena pia bomonae matabuxuyo. Matautano bapon bewa pia pexui jume naitaewatichi poxonae itorobeiba pia pexui. Yawa pia pexui bewa tsita xeinaetsi pebaru itura jinae coyenewa.

⁵ Icha barapocotsi jiton ita coxanatsi xua beta itorobiya canamataxeina pia bomonae matabuxuyo, bapon nexata jopa itacupaetsi xua canamataxeina Nacom nexa pomonae Nacom pejume cowantsiwixaetsi.

⁶ Pebin jopa bewa naexanae tsane xua pomonae Nacom pejume cowantsiwichi pecanamataxeinaewatsi poxonae cataunxuae abu pena pejume cowantsin Jesucristo. Icha bapon pena pejume cowantsin tsipae Jesucristo, metha bapon aebichipa nawita jiwitha, bapoxonae Nacom cana exanaetsipa bapontha, icha be pocotsi coyeneya ichi poxonae caurimonae pia pentacaponaein tatsi itawetatsi,

xua Nacom itaweta pia nacua weya, xua Nacom peabixatsi.

⁷ Matautano bapon bewa beta poponaena, xua pomonae jopa pejume cowantsiwi Nacom bapon beta peyabara nanta xeinaenexa tsainchi. Icha bapon jopa beta poponae tsane, bapoxonae jiwi abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujuta xua po cui coyeneyatha bapon peexanaenexa.

Meje yabara pomonae jiwi peyawenaewi pomonaetha pomonae pejume cowantsiwi

⁸ Barichir_u pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwanano peacopeibiwatha, barapomonae bewa beta jinompae, xua jiwi pebar_u cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nac_upa exanae tsane peatsaxae meran. Matautano jopa bewa pitaparatixichi tsane xua paratixi peasiwiwa.

⁹ Barapomonae bewa beta jume cowantsi Jesucristo po coyene xua Nacom yabara tsita itata xua wajume cowantsiwa, yawano barapomonae bewa muxuna xeinae po junt_u coyenetha beta xaniwaicha natsipaebatsi xua jopa abe exanaetsi Nacomtha.

¹⁰ Bara matha bu ichamonae cui jujutsina barapomonaetha icha beta xaniwaicha jinompa yawa

icha ichamonaē jopa abeya yabara paebiyo barapomonaētha. Bapoxonaē barapomonaē cana exanaēinchi pomonaē jiwī peyawenaēwi pomonaētha pomonaē pejume cowūntsiwi, xua peyawenaēwi peatenewitha, xua muxunano peapatsiwano peacopeibiwitha.

¹¹ Barichi yabūxi bewa beta jinompaena xua barapowaxi pebarū cui itura jinaewa tsainchi jiwī. Jopa bewa bapowaxi abe yabara paebi tsane ichamonaētha, xua ichamonaē abe peexanaēxae. Mataūtano bapowaxi jopa bewa bi-chocono apae tsane vino meran. Mataūtano bapowaxi bewa beta jinompae, xua ichamonaē peyabara jume cowūntsiya nanta xeinaenexa xua pocotsiwa bapowaxi daxitan exana pocotsiwan bayatha exanapaēbeiba.

¹² Barapocotsi jiwī jiwana jiton pomonaē peyawenaēwi pomonaētha pomonaē pejume cowūntsiwi, bapon bewa saya cae piseuri barū jijinaena. Mataūtano bapon bewa beta itorobiya canamataxeinaena pomonaē pia bomonaē matabūxūyo xua daxota bewa beta itorobiya canamataxeinaena pia pexui.

¹³ Tsipei barapocotsi jiwī pomonaē peyawenaēwi pomonaētha pomonaē pejume cowūntsiwi poxonaē barapomonaē beta exana pia petanacuichiwa, bapoxonaē ichamonaē barapomonaē wūnaē jaintatsi beta pia petanacuichiwaxae. Mataūtano barapomonaē ichamonaētha cui tsacatsacapiya yabara paeba xua pia pejume cowūntsiwa xua Cristo Jesús pejume cowūntsiwatsi.

Meje yabara po coyene xua naitata xua po coyene copiya moya peyawun xeinaewa po coyene xua wajume cowantsiwa

¹⁴⁻¹⁵ Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonae yaputaename po coyene xua jiwi bewa exanaena. Barapo coyene beta xanepanaya penabarun jinompae coyenewa Nacom peitabaratha tatsi, pomonae Nacom piamonae tatsi. Apara yabara paeban pomonae Nacom piamonae tatsi, pomonae Jesucristo pejume cowantsiwichi, pomonae nacaetuta xua Nacom wuna pejainchiwa tsainchi, po Nacom ataya asu pepoponaein. Barapomonae yajuntu coyeneya jinompa Nacom pia pexainyei coyenewa tatsi. Matautano barapomonae yabara jume yawena Nacom pia pexainyei jume diwesi poxonae ichamonae abeya yabara paeba barapo pexainyei jume diwesi.

¹⁶ Waxainchi paebatsi jeichichi: “Pocotsiwa jume cowantatsi Jesucristo, maisa bichocono xanepana bara be po coyenewa xua moya peyawun xeinaewa, po coyenewa jiwi jopa yaputaeyo”, jeichichi. Wayabara jume cowantsiwa baxua meje:

Nacom naexana be jiton pia juntu coyeneya tatsi, xua barapara bapon Cristo.

Nacom pia Pejumope tunaxu tatsi yabara paeba, xua bapon yabara paebatsi, xua bara bapon yatsicaewa bara Nacom.

Iru matatsunpiwi tane, xua bapon tainchi.

Bapon yabara cueicueijeichi jiwi yabara cueicuei-
jei

daxita nacuanpiwitha.

Daxita nacuanpiwi jiwanamonaе, bapon

yabara jume cowantatsi.

Yawano equeicha bapon peitaboco becaichatsi.

4

*Meje yabara xua pomonaе naerabiya pecuidubi
jiwi pomonaе seicayiya cuiduba xua ichi be jopa
paxan ichiyo*

¹ Nacom pia Pejumope тнахъ tatsi beta xaniwaichiya jeye xua poxonae po dapae tabъ ducuaena xua poxonae po dapaetha Nacom daxita wetsina, bapoxonae pomonaе pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomonaе napuna ponaena caurimonaе po caurimonaе jiwi muxuitorobiya muxujainyabatsi. Matautano barapomonaе exanaponaena po pecuidubiwa caurimonaе pia pecuidubiwa tatsi.

² Matautano barapomonaе jume naitaewatsiya jume taena pocotsiwa paeba pomonaе jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po pejuntъ coyenetha xanepanaya natsipaeba poxonae abe exana. Daxota barapomonaе jopa yaputaeyo po juntъ coyene xanepana.

³ Barapomonaе pomonaе pemuxuitorobi jiwi, jiwi cui matawentatsi xua jitha peenaewa. Matautano jiwi jain matawentatsi xua jopa xae tsane icha penabanaewan, bequein taetha xua

barapo penabanaewan Nacom tsijain exana jiwī. Pomonae pejume cowantsiwi xuano pomonae peyaputaewi Nacom pia pexainyei coyenewa tatsi, poxonae barapomonae najume weteiba xua natsijain jacobeiba Nacomtha, jei tsaibi: “Nacom maisa jũntũ coyene weiweinan xua tana necatsiwaxaem pexaewa”, jei tsaibi, bapoxonae barapomonae bara xane barapo penabanaewan.

⁴ Daxita xua pocotsiwan Nacom forota baxuan wũnae. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobebichi xua jei tsaibichi: “Maisa Nacom jũntũ coyene weiweinan xua tana necatsiwaxaem pexaewa”, xua jei tsaibi tsainchi.

⁵ Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobebixae Nacomtha xua jei tsaibichi: “Nacom maisa jũntũ coyene weiweinan xua tana necatsiwaxaem pexaewa”, wajei tsaibixaetsi.

Meje yabara xua pon Jesucristo beta tanacuitatsi

⁶ Daxita barapo coyenein xuaunxuae catsipae-batsi, icha barapo coyenein tsipaebiya cuidubame ichamonaetha pomonae irũ pejume cowantsi jiwī Cristo, bapoxonae xam pon beta netanacuichim tsane Jesucristo. Bapoxonae ichamonae cacui taena xua xam bara bichocono jinya coutha jume cowanta na-eexanaponame, yawano xua neexanaeanaeno pocotsiwan cacuidubatsi po pecuidubiwa bichocono pexeinya coyene.

⁷ Jume naitemare po diwesiñ xua saya jiwi cue-icueijeñ xua jopa Nacom pia diwesiyo tatsi, po diwesiñ xua pejemai diwesiñ xua jopa xapain wanaeyo. Jinya coutha nacuidubare, xua nenajuntũ coyene cana exanaenexam tsane icha be Nacom pia juntũ coyene ichi.

⁸ Bequein penacui jujutsiwa xanepana xua pepon daunwei penaexanaenexa, ichitha jame xua penajuntũ coyene xanepana exanaewa Nacomtha, baxua jame bichocono xanepana beyacaincha xua penacui jujutsiwa. Tsipei barapo penajuntũ coyene xanepana exanaewa Nacomtha naca yawena anoxuae poxonae cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha.

⁹ Baraxua yatsicaya apara xainyei. Daxota daxita jiwi bewa yabara jume cowantsina po coyene xua penajuntũ coyene xanepana exanaewa Nacomtha.

¹⁰ Barapocotsi coyene waxainchi ajuntũyapusũya daunweya exanatsi. Ichamonae naca atene exaneiba xua poxonae abe naca yabara paebeiba, tsipei waxainchi jume cowantsiya wanae ewatatsi Nacom, pon ataya pepoponaen. Barapon Nacom ichichipa xua daxita jiwi pecapanenebiwa tsainchi abe pia peexanae cuiru coyenein weya tatsi. Bapon jiwi Pecapanenebiyaein abe pia peexanae cuiru coyene weya tatsi xua pomonaen pia pejume cowantsi jiwixaetsi.

¹¹ Barapo coyenein bewa ichamonae cui itorobiname, xua necuidubiwam pocotsiwa

barapomonaē peexanaewa tsane.

¹² Jopa jume naitaewatsinde xua ichamonae cayabara paeba xua poxonaē jopa cabarū cui itura jinaeyo xua poxoru nepewowixaem. Jame bewa beta exanaponaem xua necacui taeponaenexa pomonaē pejume cowantsiwi Jesucristo. Xua barapomonaē tsita exaname, xua irū barapocotsi coyeneya peexanaenexarū. Beta cueicueijande, matautano beta poponde, yawa matautano antobe tsurucuaenaebiyama jiwi xua ichamonae necacui taenexa. Yawa matauta beta poponde xua bichocono jume cowantame Jesucristo xua ichamonae necacui taenexa. Yawa beta poponde xua nejantū coyene bichocono xanepana Nacomtha xua ichamonae necacui taenexa.

¹³ Poxonaē cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesi yabara cueicueijande, matautano cuidubareno pomonaē pejume cowantsiwi Jesucristo.

¹⁴ Caena bayatha pitiri jiwi, po pitiri jiwi pejume cowantsiwi jiwana monae, canta jayabiya caitoroba xua necueicueijeiwa tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanaē coyenewatha jopa yabara toxeinchiya exanaeinde po cui coyenewa Nacom bayatha cacata poxonaē barapo pitiri jiwi canta jayaba, po cui coyenyatha neexanaewa tsane pocotsiwa Nacom ichichipa.

¹⁵ Daxita barapo coyenein naitematsiya eexanaponde xua ichamonae necacui taenexa xua bara xanepanaya jume cocowantaponame.

16 Dotam xua nejuntũ coyenewa cananta xeiname. Matautano dotam xua pocotsiwa necuidubiwam. Awiya beta ajuntũyapusa ya jume cowanta ducuaenaebiyama. Icha baxua exanaename jinya coutha nacapanepa exanaename xua Nacom cacapanepaena petapae cuiru coyene weya. Iru barichim tsane capanenebiya exanaename xua Nacom capanenebiyaena pomonae necajume naitaewatsiwi.

5

Meje yabara xua pocotsiwa Timoteo bewa cuidubina pomonae Jesucristo pejume cowantsiwichi

¹ Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwĩ saya bewayo muxuwetame.

² Pitiriwaxi saya bewayo cuidubare icha be ichim xua poxonae ena saya bewayo cuidubame. Matautano saya bewayo cuidubare penawaxi icha be ichim xua poxonae amcho jiwĩ saya bewayo cuidubame xua tsita auram. Juntũ coyene xanepanaya yabara nanta xeinare barapowaxi, xua jopa abe neexanaewam.

³ Nacom piamonae, pomonae pejume cowantsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi.

⁴ Icha ichawayo powayo pecuenta tupaewayotsi piseuri, icha bapowa pipexui xeina yawa ichacuitha icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae yaweneibina bapowatha. Barapomonae bewa yawenaena bapowatha xua bapowa piamonaexae tatsi. Bapoxonae bapowa jopa nantawenonae tsane xua ichamonae bapowa peyawenaewatsi. Barapomonae bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonae pexui. Jame barapo coyene Nacom tsita coyene xanepanatsi, mataatano barapo coyene Nacom juntu coyene weiweina exanatsi.

⁵ Powa bara xaniwaicha pecuenta tupaewayotsi piseuri, powa xaniwaicha compa, powa jopa xeinaeyo piamonae matabuxu pomonae peyawenaewichi, bapowa jume cowantsiya wunaewata xua Nacom yawenaena xua bapowa yawenaeinchi. Pebaxuanexa tsane bapowa waqueiba Nacomtha merawintha, yawa matababintha.

⁶ Ichitha nama powa pecuenta tupaewayotsi piseuri, powa saya pia coutha nayabara nanta xeina nawita xua penasiwaimeinchiwa pebiwitha, bapowa saya jopa nanta xeinaeyo xua jume cowantsiya wunaewatsina Nacomtha, xua peyawenaewa tsainchi. Daxota bapowa pia juntu coyene tatsi be tupa, xua Nacom be tsita tupati

bara bequein bapowa popona.

⁷ Daxota xua ichamonaē jopa abeya peyabara pæbinexa pomonaētha pomonaē pejume cowantsiwi, cuidubare barapo peyawenaē coyenewa barapomonaētha pomonaē pejume cowantsiwi.

⁸ Meje xua pocotsiwe baxue: Icha pon jopa yabara nanta xeinaeyo xua piamonaē peyawenaewa tsane, bapon apara bara exana be poxonaē jopa jume cowantsiyo. Bapon apara bichocono ajantꞏcoyeneypubeya exana, beyacaincha pon jopa jume cowantsiyo, pon daichitha piamonaē yawena.

⁹⁻¹⁰ Barapo paperatha, po paperatha ichaxota saya wꞏn dubatsi powaxi pecuenta werapaewaxichi piseuriwi, barapo paperatha wꞏn tinadubare. Saya wꞏn tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, mataꞏtano wꞏn tinare powaxi xua ichamonaē yabara pæba xua pinaē bapowaxi xanepanaya exana. Pocotsi coyenein xua poxonaē barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomonaē petapateibiwichi pia bontha; yawa bapowaxi taxu quiateiba pomonaē pejume cowantsiwi Cristo pomonaē petapateibiwichi pia bontha; yawa bapowaxi yaweneiba pomonaē peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

¹¹ Ichitha jopa wꞏn tinaēinde powaxi cataunx-

uae taacoibichi xua xeina sesenta po weibe. Tsipei ichacuitha bapowaxi junte mainaetsipa pocotsiwa bayatha Cristo yabara tsiwuna nae muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa.

¹² Barapowaxi Nacom yabara paeba xua pinae barapowaxi barapara natsicuenta xua abe peexanae xae, poxoru jopa exanaeyo pocotsiwa bayatha yabara tsiwuna nae muxu duba Cristo tha pocotsiwa xua exanapaebeiba.

¹³ Matautano barapowaxi fifina, jopa ichichipaeyo xua penacuichiwa daxota saya daxita bontha siwa poneiba, matauta saya cueicueijeji tsurubenanaebiya xua ichamonae peyabara paebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebiya ichamonaetha.

¹⁴ Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barabura moya jitha enaena equeicha. Barabura moya equeicha xexinaponaena pexui, yawa moya barabura xua pia boxi bara beta ewatsina. Matautano barapowaxi jopa bewa abe exanae xua daxota ichamonae pomonae jiwi peaitafaetabi jiwi abe yabara paebina xua abe yabara paebinchi pomonae pejume cowantsiwi.

¹⁵ Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponae in tatsi cui itoroba, pon Satanás.

¹⁶ Icha petsiriwa, powa pejume cowantsiwayo

Jesucristo, icha bapowa tapopoinchi pia botha pijimonaе jiwanaуayo tatsi powayo pecuenta ṭpaewayotsi piseuri, barapo peјume coẉantsiwayo bewa yawenaena bapowatha. Barapo peјume coẉantsiwayo jopa bewa copatsi tsane xua pomonaе peјume coẉantsiwi апatsina pexaewa bapowatha, powa pecuenta ṭpaewayotsi piseuri. Bapoxonaе peјume coẉantsiwi itac̣patsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexeinaexae piamonaе mataḅx̣x̣ jiwі tatsi pomonaе peyawenaе jiwichi.

¹⁷ Pomonaе peјume coẉantsiwi bewa bichocono xanepanaya baṛ cui itura jinaena xua pitiri jiwі baṛ cui itura jinaeинchi, po pitiri jiwі betiya xanepanaya canamataxeинatsi pomonaе peјume coẉantsiwi. Po pitiri jiwі cueicueijeі Nacom Peјume Diwesi, matautano xua cuiduba barapo diwesi, barapo pitiri jiwі bewa bichocono xanepanaya baṛ cui itura jinaetsi yawa bewa pentoma catsibichi beyacaincha icha pitiri jiwі.

¹⁸ Nacom Peјume Diwesitha jeye: “Duwein pon peẉn buey, pon pexu xu tanacapona xua poxonaе nacuitapona jopa wano atsinde pocotsiwa bapon taayapubetsi poxonaе nabusi matoma xaexaepona pentacona”, jei. Equeicha Nacom jeye: “Ponba tanacuita icḥn bapon nantawenona xua xeina pia petanacuichiwa matoma”, jei Nacom.

¹⁹ Jopa cui yopichinde pitirin xua abe exana pon pomonaе peјume coẉantsiwi canamataxeинatsi icha jopa xeinaem dos poyobe xua iṛṛ cui taneṛ

xua ichacuitha tres poyobe xua iruru cui taneru pocotsiwa barapo pitirin xua baxua bara exana.

20 Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cowantsiwi peitabaratha tatsi, xua bapoxonae iru ichamonae pejunuwinea xua abe peexanaewa, icha be poxonae xua bapon ichi.

21 Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po juntu coyenewatha xua nanta xeiname xua caein pebin bichocono peainya cuin beyacaincha ichun. Icha barapocotsi juntu coyenewatha cayabara nanta xeinaeya exanaetsipame jopa xainyeya exanaetsipaem.

22 Abu bepijawa jopa mata jayabinde pitirin, xua pecanamataxeinaenexatsi pomonae pejume cowantsiwi, tsipei icha bapon abe exanaetsipa apara baxua be iru xam yawename xua bapon abe peexanaewa. Dotam jinya coutha beta xanepanaya najuntu coyene eenare xua abe neexanaeyainwa.

23 Bichocono necotsoroxaewa, yawa bichocono neparaxaewa, jopa saya u meisa apaeinde mera. Jame moya tsiwiyo yawa muxuna apare vino merayo.

24 Ichamonae cui taneme abe pia peexanae cuiru coyenewan tatsi, pewunaeya xua po mataqueitha poxonae Nacom yabara paebina xua jiwi penatsicuentisiwa xua abe peexanaexae.

Ichitha nama anoxuae jopa ichamonae cui taem abe pia peexanae cuiru coyenewan tatsi, apara jame bexa yaputaename po mataqueitha poxonae Nacom yabara paebina jiwi xua penatsicuentisiwa xua abe peexanaexae.

²⁵ Barichi pocotsiwa jiwi xanepanaya exana ichamonae nexa, baxua ba jiwi anoxuae cui tane. Bequein ichacuiitha barapocotsi xanepanaya peexanae coyenewan jiwi jopa cui taeyo anoxuae, ichitha bexa tsane jiwi taena barapo coyenewan, tsipei poxoru barapo coyenein jopa bapana ataya tsitecaeya moya peyawun xeinaewa.

6

¹ Pomonae ba pebusi cui tatayebeibiwichi, pomonae pejume cowuntsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cowuntsiyo Jesucristo, barapomonae ba bewa baru cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinexa Nacom pia cui coyenewa tatsi, matautano xain jopa abe peyabara paebinexa pata pecuidubiwa xua pocotsiwa pacuiduban Jesús yabara.

² Ichamonae pomonae pebusi cui tatayebeibiwichi, pomonae pejume cowuntsiwi Jesús, barapomonae xeina pia pecanamataxeinaewichi, pomonae iru jume cowunta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa

xeinaeyo pebaru cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa baru cui itura jinae pia pecanamataxeinaewichi. Matautano bewa beta tanacuichi barapocotsimonaе, beyacaincha ichamonaе pomonaе jopa jume cowantsiyo Jesucristo pomonaе pebusi cui tatayebeibiwichiru pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonaе pomonaе iru jume cowantaruru Jesucristo. Matautano bewa beta tanacuichina tsipei Nacom antobe barapomonaе, xua antobetsi barapomonaе pomonaе pia pecanamataxeinaewichixaetsi.

Meje yabara xua waxeinaewa pepa pexainyei coyenewa xua apara wajume cowantsiwa

Barapo cui coyene cuidubare jiwitha xua jiwi beta peexanaewa tsane:

³ Ichacuitha ichun cuiduba pocotsi coyenewa xua penaerabiwa. Matautano jopa yabara baru jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanamataxeinaein. Matautano bapon pon ichun jopa yabara baru jume jejeyo po pecuidubi coyenewa xua Nacom juntu coyene xanepana exana jiwitha.

⁴ Pon ba bara pocotsi coyeneya exana bara apara pon jiwi peaebin xua peyaputaеinxae. Bapon apara ichitha jopa peyaputaеin. Bapon

naemata yainyaba nawita ichamonaetha pia xua jiwi penajume matsontsonobinexa bapontha. Daxota barapomonaе nantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeba. Matautano nantiya abeya nayabara nanta xeina.

⁵ Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonaе jopa yaputaeyo pocotsiwa pexainyei coyenewa. Bapomonaе najei pia coutha: “Icha jan tsane: ‘Jume cowuntan Jesucristo’, jan tsane bapoxonaе xain copei nawita xeinaein”, najei barapomonaе pia coutha.

⁶ Bara xaniyei, poxonaе Jesucristo jume cowuntatsi baxua bara bichocono naca yawena. Ichitha saya naca yawena icha waxainchi muxuna xeinatsi wajuntax coyeneintha xua beta junteма wajinompawewa bequein xua naacopeibi taethatsi.

⁷ Tsipei poxonaе naexanatsi jopa cayawa naexanaetsi barapo copei po cae pin nacuathe. Matautano tsipei poxonaе werapaeinchi jopa barapo copei cawerapae tsainchi.

⁸ Ichitha icha xeinatsi pexawewa, yawa paparuwan bara bapoxonaе bewa junteма jinompaeinchi.

⁹ Seicaya nama pomonaе bichocono ichichipa xua copei pexeinaewa, barapomonaе exana pocotsiwa caurimonaе pia pentacaponaein tatsi junteма coyene jujata. Daxota barapomonaе exana pocotsiwa xua ichichipa, xua jopa wanaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua

barapomonaē peweraweracaewa tsane.

¹⁰ Poxonaē jiwī bichocono ichichipa paratixi, baroxonaē tamropata notarucupa xua bichocono abe peexanaponaewa. Barapo peichichipae coyenewa paratixi, jiwī cana exanatsi xua pepentsiwa po coyene xua Jesucristo pejume cowantsiwatsi. Daxota barapomonaē be pia coutha najuntū coyene jopojopei exana xua saya peyabara nanta xeinaexae paratixi, xua peichichipaexae paratixi.

Meje yabara xua bewa Timoteo beta ajuntuyarusuya jume cowanta ducuaenaebiyana

¹¹ Tsipei xam Timoteom Nacom piamonaē tatsi jiwanam, baxuan cuitaya naetsiriware, pocotsiwa po coyenewatha weraweraca necaexanaewa. Beta poponde Nacom nexa xua nejuntū coyene xanepanaewa tsane Nacomtha. Eexanaponde pocotsiwa Nacom ichichipa. Jume cowanta ducuaenaebiyama Nacom, yawano antobe tsurucuaenaebiyama Nacom, yawa jiwithano. Matautano saya juntema poponaeya exana ducuaenaebiyama pocotsiwa Nacom caitoroba poxonaē ichamonaē bequein cata abe exana.

¹² Xanepanaya antuyarusuya jume cowantsiya exana ducuaenaebiyama pocotsiwa Nacom ichipa. Peantuyarusuwa po peantuyarusuwa ataya tsiteca, barapo peantuyarusuwa jopa copatsinde xua necajuntū coyene weaichurucuaewa. Barapo peantuyarusuwa Nacom cacata. Xam baxua xanepanaya yabara paebame pin bicheitha.

¹³ Catsipaebatsi Nacom peitabaratha, pon pia peantuyarusuwa cata daxitan coyeneintha.

Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi.

¹⁴ Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonae Jesucristo equeicha patopeicaena pon Wanacanamataxeinaein.

¹⁵ Poxonae po mataqueitha Nacom ichichipaena bapoxonae barapo mataqueitha Jesucristo naitutsina jiwitha. Jiwi yaputaena xua bapon Nacom meisa compa xeina daxita peayapusu itorobi coyenewan. Bapon meisa compa peyawa jinaein pejuntu coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi.

¹⁶ Barapon Nacom meisa compa peyacuiya jinaein peantuypapusuwa po peantuypapusuwa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa itacupaetsi xua imoxoyo peponaewa xua bichocono pecoicha

pexeinaexae. Dapon aibi, pon bayatha tainchi Nacom. Matautano dapon aibi pon itacupatsi xua Nacom petaewatsi tsainchi. Barabun jiwu Nacom barun cui itura jinaeinchi, xua ataya tsane. Matautano barabun Nacom itorobina jiwitha pia peayapusun itorobiwatha xua bara ataya tsane. Je bara ichi tsane.

17 Pomonae xua bichocono copei pexeinae jiwu itorobare xua jopa ichamonae aebi tsainchi. Matautano itorobare xua jiwu jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowuntsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca junun coyene weiweina exanaenexa.

18 Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyenewan, icha be juna coyeneya ichi poxonae copei nawita xeina. Barapomonae bewa piawa jiwana wecaenaetsina xua ichamonae pecatsibiwa tsainchi pomonaetha pomonae xua jopa xeinaeyo xua pocotsiwan nantawenona. Matautano barapomonae bewa yawenaena piamonae.

19 Icha barapomonae barapo coyenein exana, bapoxonae barapomonae pia coutha nayawena xua nacui wunaeta pocotsi coyenewa xua bexa tsane, xua daxota bapoxonae pexeinaewa tsane

peajuntayapusawa, po peantayapusawa xua ataya tsiteca.

Meje yabara xua Pablo najume wetsiya paeba

²⁰ Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiwi jopa yawenaetsi. Matautano jopa jume matsontsonoba exanaeinde ichamonaetha pomonae yabara cueicueijej pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo.

²¹ Pomonae jume cowanta pocotsiwa poxonae yabara cueicueijej peyaputae coyenewa, barapomonae jiwana nacui barapenta po coyene xua Jesucristo pejume cowantsiwatsi.

Barab Nacom pon jiwi Pecanamataxeinaein, bichocono cayawenaena pia necaantobexae.

Baja Pablo.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7